

241

372

Bosna i Hercegovina  
 Federacija Bosne i Hercegovine  
**KANTON SARAJEVO**  
 Kantonalna uprava za inspekcijske  
 poslove



Босна и Херцеговина  
 Федерација Босне и Херцеговине  
**КАНТОН САРАЈЕВО**  
 Кантонална управа за инспекцијске  
 послове

Bosnia and Herzegovina  
 Federation of Bosnia and Herzegovina  
**CANTON SARAJEVO**  
**Cantonal Administration for Inspection Issues**

KANTON SARAJEVO

18-05-2020

**Broj:** 14-02-04-00774/20  
 Sarajevo, Maj 18.2020. godine

Bosna i Hercegovina  
 Federacija Bosne i Hercegovine  
**SKUPŠTINA KANTONA SARAJEVO**  
**SARAJEVO**  
 ( na pažnju, predsjedavajućeg, Mirze Čelika

**Predmet:** *Odgovor na zastupničko pitanje broj: 01-04-2076-12/20 od 28.01.2020. godine postavljeno od strane zastupnice Danijele Kristić - dostavlja se;*

Kantonalna uprava za inspekcijske poslove Kantona Sarajevo, dana 11.02.2020. godine zaprimila je zastupničko pitanje postavljenu od strane zastupnice Danijele Kristić na 18. Radnoj sjednici Skupštine Kantona Sarajevo, održanoj dana 23.01.2020.godine u okviru tačke Dnevnog reda " Poslanička /zastupnička pitanja, inicijative i odgovori " a u skladu sa Poslovníkom Skupštine Kantona Sarajevo koje glasi

"Molim gore pomenute javne organe i ustanove da me obavijeste šta je učinjeno sa Zaključkom Vlade Kantona Sarajevo broj 02-05-10531-22/09 u vezi Rješenja o rušenju dograđenog novog objekta i novoizgrađene platforme za ljetnu baštu investitora HBRP"Hoteli Ilidža", vlasniku restorana "Labud" smještenog na lokalitetu spomenika prirode "Vrelo Bosne" te uopšte kako je moguće da ovakav objekat i dalje egzistira u zaštićenom prostoru, te u prvoj zoni vodozaštite gdje shodno važećoj Odluci o zaštiti izvorišta Sarajevsko polje ovakav objekat ne smije biti tu jer predstavlja potencijalnu opasnost za kvalitit vode koju piju građani Kantona Sarajevo."



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

19-05-2020

## ODGOVOR

Dana 20.02.2020. godine kantonalni inspektor zaštite prirode, Kantonalne uprave za inspekcijske poslove Kantona Sarajevo, pokrenuo je postupak inspekcijskog nadzora na navedene okolnosti i tom prilikom utvrdio slijedeće:

1. Kantonalna javna ustanova za zaštićena prirodna područja Kantona Sarajevo, shodno članu 3. Odluke o osnivanju Kantonalne javne ustanove za zaštićena prirodna područja ("Sl. novine Kantona Sarajevo", broj 31/17), između ostalih zaštićenih područja, upravlja područjem Spomenika prirode "Vrelo Bosne";

2. Uvidom u raspoloživu dokumentaciju, Vlada Kantona Sarajevo je donijela Zaključak broj: 02-05-10531-22/09 od 23.04.2009. godine u kojem konstatuje da predmetna bespravna gradnja na području Spomenika prirode "Vrelo Bosne" predstavlja ekološki incident najvećeg stepena koji ugrožava zdravlje građana Kantona Sarajevo i uništava izuzetno vrijedno prirodno bogatstvo, vodne resurse i sve druge eko potencijale i dovodi do degradacije zaštićenog područja Vrelo Bosne".

Tačkom 2. Zaključka se nalaže resornim ministarstvima Kantona Sarajevo da svako u okviru svog djelokruga rada odmah izdaju naloge nadležnim inspektoratima da preuzmu zakonom sve propisane radnje u cilju uklanjanja bespravno izgrađenog objekta, a u saradnji sa KJKP "RAD" i uz asistenciju policije. Predmetnu informaciju je iz tačke 1. Zaključka je potrebno dostaviti Tužilaštvu Kantona Sarajevo da hitno poduzme aktivnosti kako bi se stavilo pod zaštitu područje Spomenika prirode "Vrelo Bosne" i osiguralo nesmetano snabdijevanje higijenski ispravnom vodom krajnjih korisnika, kao i očuvanja brojnih prirodnih, pejzažnih, hidroloških, kulturno-historijskih, socioloških, edukativnih, naučnih i ekonomskih vrijednosti. Također, Zaključkom je utvrđen krajnji rok za realizaciju aktivnosti (ponedjeljak 27.04.2009. godine u 10 sati), te su se zadužili svi nosioci aktivnosti da informišu Vladu Kantona Sarajevo;

3. Služba za inspekcijski nadzor Općine Ilidža, je postupajućem inspektoru dana 17.03.2020. godine dostavila je Informaciju broj: 15-23-1-28/09 od 10.03.2020. godine, o postupanju općinske urbanističko-građevinske inspekcije u vezi sa zaustavljanjem nelegalne gradnje dijela objekta restorana "Labud" na Vrelu Bosne. U informaciji se navodi hronologija dešavanja po pitanju zaustavljanja nelegalne gradnje – rekonstrukcije dijela objekta restorana, kako slijedi:

3.1 Služba za inspekcijski nadzor Općine Ilidža je u aprilu 2009. godine pokrenula upravni postupak, shodno Zakonu o prostornom uređenju Kantona Sarajevo, za građevinske radove rekonstrukcije - dogradnje matičnog objekta restorana "Labud", te za radove izgradnje platforme ljetne bašte površine cca 145 m<sup>2</sup>, urađene bez odobrenja za građenje i na osnovu zapisnika o bespravnoj gradnji doneseno je Rješenje o uklanjanju bespravno izgrađene građevine broj: 15-23-1-28/09 od 22.04.2009. godine i Zaključak o dozvoli izvršenja rješenja od 04.05.2009. godine.



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

- 3.2 Ova Služba je zaprimila Zaključak Vlade Kantona Sarajevo broj: 02-05-10531-22/09 od 23.04.2009. godine sa naredbom da resorni ministri Kantona Sarajevo izdaju naloge nadležnim inspektorima da poduzmu sve zakonom propisane radnje u cilju uklanjanja bespravno izrađenih građevina.
- 3.3 Dopisom-obavijest o postupanju ove Službe, Ministarstvu prostornog uređenja Kantona Sarajevo, od 28.04.2009. godine, obrazložene su poduzete radnje ovog organa u vezi sa postupanjem, gdje je navedena konstatacija po izvaji na zapisnik predsjednika Uprave HBRP "Hoteli Ilidža" da je podnesen zahtjev za legalizaciju objekta zajedno sa proširenjem za magacinski prostor i novu platformu za ljetnu baštu.
- 3.4 Uvidom u općinsku dokumentaciju konstatovano da je Investitor predao zahtjev za legalizaciju bespravno izgrađenog objekta za restoran "Labud" , broj: 03-23-3796/06 od 10.10.2006. godine.
- 3.5 Investitor je uložio žalbu na Rješenje ovog organa 30.04.2009. godine, koju je drugostepeni organ Rješenjem broj: 05/11-230-188/09 od 08.10.2009. godine. UVAŽIO i predmet vratio prvostepenom organu na ponovni postupak. Investitor je također uložio i žalbu na Zaključak o dozvoli izvršenja rješenja i drugostepenim rješenjem broj: 05/11-230-202/09 od 09.10.2009. godine ponovo je UVAŽENA žalba, i istim drugostepenim rješenjem se konstatuje da "nisu ispunjeni osnovni valjano-pravni uslovi za donošenje ožalbenog Zaključka, ijim bi se izvršenjem mogla nanijeti neosnovana materijalna šteta po žalitelja".
- 3.6 Također je rečeno navedenim drugostepenim rješenjem, da "imajući naprijed navedeno, a shodno članu 278. Zakona o upravnom postupku FBiH, prvostepeni organ je po službenoj dužnosti obavezan odustati od izvršenja i provedene radnje poništiti".
- 3.7 Kako je drugostepenim rješenjima na žalbe na prvostepena rješenja, uz pravnu pouku da prvostepeni organ preispita ista da li su ispunjeni uvjeti za prekid postupka, obzirom na podneseni zahtjev za legalizaciju objekta, ovaj organ je na prethodno pitanje rješavanja legalizacije predmetnog objekta, za čije rješavanje nadležna Služba za prostorno uređenje Općine Ilidža, shodno članu 24. Odluke o legalizaciji građevina izgrađenih bez odobrenja za građenje i građevina privremenog karaktera ("Sl. novine Kantona Sarajevo" broj: 6/06 i 18/08), donio Zaključak o prekidu postupka broj: 15-23-1-28/09 od 16.11.2009. godine dok nadležni organ ne riješi zahtjev investitora za legalizaciju predmetnog izgrađenog objekta koji se vodi pod brojem: 03-23-3796/06.
- 3.8 Služba za prostorno uređenje Općine Ilidža je dana 07.01.2010. godine donijela Zaključak broj: 03-23-3796/06 Lj, kojim se prekida postupak za izdavanje naknadne urbanističke saglasnosti za legalizaciju restorana "Labud" na Vrelu Bosne, po zahtjevu broj: 03-23-3796/06 od 10.10 2006. godine, te da će prekid postupka



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

trajati do usvajanja "Prostornog plana područja posebnog obilježja spomen prirode Vrelo Bosne".

3.9 Uvidom u općinsku dokumentaciju za predmet broj: 03-23-3796/06 dana 10.03.2020. godine, postupak legalizacije bespravno izgrađenog objekta reastoran "Labud" na Vrelu Bosne, nije okončan i isti je u toku.

Prostorni plan područja posebnog obilježja Spomenika prirode "Vrelo Bosne" još nije donesen, niti je donesena odluka o izradi istog, a organizacija prostora, način korištenja, uređenja i zaštite prostora u zaštićenim prirodnim područjima definiše se istim, shodno članu 154. Zakona o zaštiti prirode ("Službene novine Federacije BiH", broj 66/13).

S poštovanjem,

Dostavlja se:

1. Predsjedavajući Skupštine KS
2. Sekretar Skupštine KS
3. Sekretar Vlade KS
4. a/a

DIREKTOR

  
Fahr Halilović



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb